



Vrsta dok.	Izdavač	RB	Strana
			1 od 2

Broj: 0103-3509-3/23

Datum: 31.10.2023. godine

Na osnovu člana 58. i člana 60. Statuta Kantonalnog javnog preduzeća za gospodarenje državnim šumama „Sarajevo-šume“ d.o.o. Sarajevo, broj: 0101-1753-12/22 od 18.05.2022. godine, Izmjene saglasnosti za angažovanje po osnovu ugovora o volontiranju, broj: 07-03-30-32239/23 od 25.09.2023. godine Ministarstva privrede Kantona Sarajevo i Mišljenja, broj: 13-30-41315/23 od 28.09.2023. godine Ministarstva za rad, socijalnu politiku, raseljena lica i izbjeglice, Direktor KJP „Sarajevo-šume“ d.o.o. Sarajevo, donio je

ODLUKU **o poništenju**

Član 1.

Poništava se Javni poziv za prijem volontera, broj: 0103-2592/23, objavljen dana 04.08.2023. godine na internet stranici KJP „Sarajevo-šume“ d.o.o. Sarajevo www.sarajevo-sume.ba i Odluka o izboru kandidata po Javnom pozivu za prijem volontera, broj: 0103-2592-6/23 od 31.08.2023. godine.

Član 2.

Ova Odluka objavit će se na internet stranici KJP „Sarajevo-šume“ d.o.o. Sarajevo www.sarajevo-sume.ba.

Član 3.

Ova Odluka stupa na snagu danom donošenja.

O b r a z l o ž e n j e

Kantonalno javno preduzeće za gospodarenje državnim šumama „Sarajevo-šume“ d.o.o. Sarajevo je na osnovu Saglasnosti za angažovanje po osnovu ugovora o volontiranju, broj: 07-03-30-32239/23 od 12.07.2023. godine, protokolirane kod Preduzeća pod brojem: 0103-2592-2/23 od 17.07.2023. godine objavilo Javni poziv za prijem volontera, broj: 0103-2592-3/23 od 03.08.2023. godine na web stranici KJP „Sarajevo-šume“ d.o.o. Sarajevo, i to:

- Volonter – I ciklus bolonjskog sistema studiranja – Šumarski fakultet – stečeno zvanje Bachelor šumarstva – 11 (jedanaest) izvršilaca

Komisija, imenovana Rješenjem o imenovanju Komisije za razmatranje prijave po Javnom pozivu za prijem volontera, broj: 0103-2592-4/23 od 22.08.2023. godine u skladu sa uslovima traženim Javnim pozivom objavljenom na web stranici KJP „Sarajevo-šume“ d.o.o. Sarajevo www.sarajevo-sume.ba dana 04.08.2023. godine, pregledala je i razmotrila sve prijave kandidata koje su pristigle u utvrđenom roku u smislu njihove formalnopravne ispravnosti, obavila intervju sa svakim od kandidata, te sačinila Zapisnik sa otvaranja prijave po Javnom pozivu za prijem volontera, broj: 0103-2592-5/23 od 29.08.2023. godine koji je dostavila Direktor KJP „Sarajevo-šume“ d.o.o. Sarajevo na dalje postupanje i odlučivanje.

Na osnovu naprijed navedenog donesena je Odluka o izboru kandidata po Javnom pozivu za prijem volontera, broj: 0103-2592-6/23 od 31.08.2023. godine.

Naknadnim uvidom u naprijed navedenu dokumentaciju utvrđeno je da je u konkretnom postupku došlo do pogrešnog navođenja predmeta postupka tj. umjesto ispravnog i zakonskog naziva „stručno usavršavanje bez zasnivanja radnog odnosa“ korišten je termin „volontiranje“, te je Ministarstvu privrede Kantona Sarajevo upućen Akt – Izmjena Saglasnosti za angažovanje po osnovu ugovora o volontiranju, traži se, broj: 0103-3509-1/23 od 23.09.2023. godine, a u kojem Aktu je zatraženo da se izmijeni Saglasnost za angažovanje po osnovu ugovora o volontiranju, broj: 07-03-30-32239/23 od 12.07.2023. godine na način da se da saglasnost za prijem lica na stručno osposobljavanje bez zasnivanja radnog odnosa.

Dana, 27.09.2023. godine KJP „Sarajevo-šume“ d.o.o. Sarajevo je zaprimilo Izmjenu saglasnosti za angažovanje po osnovu ugovora o volontiranju, broj: 07-03-30-32239/23 od 25.09.2023. godine, a u kojoj je data izmjena prethodno date Saglasnosti, broj: 07-03-30-32239/23 od 12.07.2023. godine, te zaključivanje





Općinski sud u Sarajevu,
Broj : 065-0-Reg-22-001052 od 08.06.2022.godine
PDV broj: 200630090001
Žiro račun: 1020500000111354 Union bank d.d. Sarajevo
1610000036720040 Raiffeisen bank Sarajevo

Vrsta dok.	Izdavač	RB	Strana
			2 od 2

ugovora o stručnom usavršavanju bez zasnivanja radnog odnosa do godinu dana, i to za Bachelor šumarstva – 11 (jedanaest) izvršilaca – I ciklus bolonjskog sistema studiranja – Šumarski fakultet.

Također, Mišljenjem, broj: 13-30-41315/23 od 28.09.2023. godine, protokolisanom kod Preduzeća pod brojem: 0103-3787-1/23 od 10.10.2023. godine od strane Ministarstva za rad, socijalnu politiku, raseljena lica i izbjeglice dostavljena je informacija da KJP „Sarajevo-šume“ d.o.o. Sarajevo u konkretnom slučaju nije obavezno primjenjivati Uredbu o postupku prijema u radni odnos u javnom sektoru na teritoriji Kantona Sarajevo s obzirom da se ne radi o zasnivanju radnog odnosa, već o postupku angažovanja lica za usavršavanje bez zasnivanja radnog odnosa.

S obzirom na naprijed navedeno, donesena je Odluka kao u njenom dispozitivu.

Direktor
KJP "Sarajevo-šume" d.o.o. Sarajevo



Omerović Samir, dipl.ing.šum.

DOSTAVLJENO:

1. Direktor Preduzeća
2. Službi za opće, pravne i kadrovske poslove
3. Arhivi Preduzeća

